



Inatsisartuni ilaasortaq Jens Napātôk
Partii Naleraq

Inuussutissarsiutinik suliassaqarfimmut tunngatillugu § 37 naapertorlugu apeqquummut nr. 140-2020 akissut

Ervedato: 03-09-2020
Sagsnr.: 2020-14045
Akt-id:14637134

Inatsisartut suleriaasianni § 37 naapertorlugu inuussutissarsiutinik suliassaqarfimmut tunngasumik Naalakkersuisunut apeqquteqarputit. Apeqqutit uannut akisassanngorlugu innersuutaavoq.

3900 Nuuk
Tlf.: (+299) 34 50 00
Fax: (+299) 34 54 10
E-mail: isiin@nanoq.gl
www.naalakkersuisut.gl

1: Qaanaap nunaqarfiiani Qeqertani, Upernaviup nunaqarfiini Naajaani Nutaarmiunilu pisiniarfiit sanaartornissaat siornatigut aningaasaliiffiqineqarmikuugaluit sananeqanngitsoortut piviusunngortillugit sananeqarnissaat Naalakkersuisut sulissutiginiarpaat?

Nutaarmiuni aamma Naajaani pisiniarfinnik nutaanik sanaartornissat, kiisalu Qeqertani toqqorsiveqarnermit kioskimik pisiniarfeqalernissaq pillugit 2016-imi novembarimi taamani Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisuusoq aamma KNI A/S siunnerfigisamik nalunaarummik atsiuipput.

Aningaasanut Inatsiliornermut atatillugu konto pingaarnermi 64.10.12 Nioqqutissanik pilersuineq Aningaaseriveqartitsinerlu aningaasaliissutit arlaleriarluni akuersissutiginnissaat misilerartarneqarsimapput. Aningaasat immikkoortinniarnerisa pisinnaasimannginnera ulloq manna tikillugu paasineqarpoq.

Siunnerfigisamik nalunaarut suli piuvoq, soorlulusooq inuiaqatigiinni taakkunani mikinerusuni eqqaaneqartutut pisiniarfiliornermik kioskilornermillu piviusunngortitsinerit inuunerup pitsaassusaata pitsanngorsarnerinik, taamaalillunilu atugarisat pitsanngorsarnerinik paasinnineqarlunilu akuersissuteqartoqarpoq.

Taamaattorli Covid-19-ip nunarsuarmi tuniluunnerata nassatarisaanik aningaasaqarnikkut maannakkut atugarisatigut pisumik sakkortuumik tunngaveqartumik suliniutit isumaliutaagaluartut arlallit unitsinnarneqarallarsimapput.

Taamaalillutik siunnersuutit aningaasartuutissanik pisariaqartitsisut nutaat pisariaqavissuunngitsut 2021-mi ilanngunneqarsinnaannginnerat Naalakkersuisut tunngavigisatut aalajangiussimavaat. Inatsisartut Aningasaqarnermut Akileraartarnermullu Ataatsimiititaliaata AIS2021-mut atatillugu ilassutitut

anigaasartuutissanut assut killilersuisoqassasoq nalunaarutigisimavaa. Taamaattumik siusinnerpaamik 2022-mut anigaasanut inatsissamik suliaqarnermut atatillugu suliniummumut anigaasanik immikkoortitsisoqarnissaq pillugu qinnuteqartoqarsinnaassaaq.

Inussiarnersumik inuulluaqqusillunga



Jens-Frederik Nielsen